

# 樊山全集

上海廣益書局印行

懷柔  
四

樊山續集卷十九

恩施樊增祥雲門

近光集

起癸卯五月  
訖十一月

癸卯五月二十四日發西安止於華清行館將軍中丞以下送者餘三百人感賦

八水爭如別意長出郊旌旆盡飛揚台司自叶璫笮

余弟中丞而兄方伯

掾屬無非桃李行卸任後僚屬多執弟子禮西北

聞河天所眷上東冠蓋道相望青蓮祇得汪倫一莫以花潭例此鄉

渭南感柳

丙申丁酉間所種

手種垂楊萬萬枝渭城煙浪足相思鏤金衣帶青青髮此是樊山七歲兒

出華州屏去牌纛

王融搥壁亦何求苦道車前少八騶何必覓旌與芝蓋蓮花仙掌在前頭

輿中遣興

今年盛夏比秋涼車騎輝輝滿路光行轅攜茶惟冷飲驛牆落墨半斜行秦雲清麗如嬌女渭竹檀欒是故鄉怪底酒痕紅上面殷勤父老致壺漿

菽軒三兄葆生五弟皆臨分泣下余亦泫然

馬范交期如手足韓張授業匪文辭襟袂一灑神州淚轉羨新亭是盛時

華州行館雨中與葆生雲生夜坐

離水虛連漢將營瀟陽猶駐黑河兵徒勞小范憂天下忍聽何戡唱渭城雨榭一樽炎暑退風簾雙炬夜談清不須重惜河梁別世事悠悠去住輕

葆生偕唐司馬童大令送至闕鄉同宿於河神廟質明而別

送客灞橋情已盡情深尚覺潼關近出關五十里黃塵衫笠蕭蕭垂柳映臨流祠樹碧於雲古殿乃祀河濱神東西道院並修潔草花石几羅苔茵三君就我夜連榻解衣乾浴飯有鴨綺綠親傳海上琴以時

琴贈葆生

淚紅猶惜闕中蠟寺鐘三打朝曦紅君馬西還吾馬東一聲珍重車塵起拗頸數望蓮花峰

### 澠池韶峰書院雙桐歌

高宗御書雙桐書屋圖董

達邦

祇詔題懜附宮簾春曉暈金碧垂簷對立青珊瑚

圖為乾隆中葉作自後每歲一題三

十餘年御墨幾滿

監奴竊出懜勤殿市估索值千金餘囊空金盡無由致至今奎畫能追摹竭求韶陽憩精舍

兩株青玉交扶疏明簾紙閣設清供綺牀薰陸羅奇書佳禽適來金翡翠新莎滿布花氍毹綺嗟嘉樹誰所植圍徑一尺瑩碧膚森疎迴出步檐外交柯接葉雲舒舒朝露垂枝拂金井午風動影臨紗幮我生愛花莫如蓮我生愛樹莫如梧蓮花乃為佛所宅梧桐乃為鳳所都見花自轉千佛名有樹可栖雙鳳雛兩齋弟子並高秀落華取實當何如五月清涼想裘褐晚來冷雨疑秋初葉葉聲聲相應答瑤階滴盡春槽珠我亦還朝蘇玉局此與東府甯差殊五年再讀雙桐畫清景人間何處無雙桐書屋圖己亥夏見於京師

今五年矣

### 張茅硤石間風日淒冷重棉猶慄即事有作

今無六月雪而有六月裘梅天半陰晴石氣青幽幽茅硤號奇險薜蘿西巡遊疆吏亟修平康遠達中州離宮及御宿丹漆而碧油迤邐七百里無復魚蠶憂我來際陰曠萬壑風颼颼以棉加葛上一身備夏秋老兵掖我輿狀若蘭單牛行臺美簾簟清酒如泉流一杯紅兩頰炙香薰被篝帷幘獲奇福蚊熱

非所愁

閏午日宿新安縣解

靜院爐熏沈水含從容小邑息珂駟南風解愠雙重五東道留行一再三

是日擬宿礪澗言大令有章挽留至再

新酒泛

蒲香飯美小桃夾竹露紅酣憐渠玉雪嬌兒女自摘安榴勸母簪

新安署齋見悉伯師楹帖感賦

病腕支離十四稿酒邊彈淚濺屏紗當時几格尋常見令似菖蒲葉底花

戲贈阿頻

眠遲起晏不知愁催上金車索臂難晚傍榴花安鏡具夕陽流水照梳頭

閏五月初六日中免迎謁於洛陽城西十五里明日護養如汴梁賦示

初試牽絲手欣看納粟郎風塵諳吏事燈火話家常弟妹色皆喜妻孥累暫忘朝天無墨礙未免憶金梁

渡河內子欲偕行余止之

孟津北去蘇煙波快馬輕輿取次過織女明星不同渡人間亦自有銀河

初七夜乾溝橋行館見月

長黛娟娟畫未勻初三弓樣掩輕雲一旬梅子黃時雨度了河橋始見君

玉宇瑤樓未覺寒道道迥出碧雲端光明一片秦臺鏡多少蒼生仰面看

自繙行卷寫朱絲攄馬喧騰上豆時萬事淹遲成一笑月中纔補雨中詩

是夕作映石道中五古一首

玉轡雲鬢是也非去年今日送將歸瑤臺後夜相逢處香霧濛濛淚濕衣

寄五癸

第二人如韓稚圭臚雲甲第有光輝高陽里為荀龍重忠孝名於鄭鄴歸君廷試原白日憑將肝膽照  
青雲生得羽毛飛冰壺玉尺詞臣事會見星詔出帝畿

孟縣以東林木茂密風物清美喜賦

雞犬相聞阡陌通肩輿安穩勝烏蓬炒茶火接頭青後衣繡風生萬綠中瓦屋三椽當畫黑石榴一點  
動人紅冰襟六月潭忘暑不用浮瓜羨鄴宮

再詠王嶺梅事寄淇泉

買得馬支山下春曲屏風底戰生塵依稀畫象三娘子綽約青衣兩玉人為惜花顏苛擇對不逢枝脂  
枉含顰小桃未嫁青春短可惜漁郎別問津

堂下盈盈即絳河佳期咫尺有風波私奔甯不慚卽令方便終難借孟婆生有血痕啼杜宇死猶舍利  
出鸚鵡仲卿不附蘭芝塚萬古情天缺陷多

獲嘉令以散館改官戲贈

頭簪銀筆下清都百里栽花得自如休論玉堂天上事狀元還讀學堂書新章本科鼎甲庶常俱入大學堂三年卒業領有憑照乃  
得散館

寄繡漪兄妹

高弟經年別絳紗朝天今日當還家金釵預換雲亭酒素手重煎雪水茶一卷珠璣行茂草滿門桃李  
女兒花謝庭朗韻俱才俊棋墅聯吟定自佳

木蘭店感舊

斜日荒城柳弄煙沁河新水碧於前木蘭店裡填詞夜雪打花朝又七年

輿中悶坐戲作兩頭纖纖歌寄葆孫

兩頭纖纖牛戴角半白半黑簷間鶻  
腦膊膊弄絃索磊磊落落人中鶴  
兩頭纖纖柳眼長半白半黑石屏方  
腦膊膊炒豆香磊磊落落梅子黃  
兩頭纖纖美人黛半白半黑秋波媚  
腦膊膊燈花碎磊磊落落明珠佩  
兩頭纖纖頭上簪半白半黑機中綾  
腦膊膊馬行水磊磊落落天河星  
兩頭纖纖鼓有桴半白半黑棋有圖  
腦膊膊盤瀉珠磊磊落落高陽徒  
兩頭纖纖蘭中弩半白半黑南山虎  
腦膊膊彌衡鼓磊磊落落石勒語  
兩頭纖纖燕尾分半白半黑歐羅人  
腦膊膊雞啼昏昏磊磊落落碩果存  
兩頭纖纖秦中仁半白半黑天際雲  
腦膊膊客打門磊磊落落誰如君

宿宜溝驛再用辛未年題壁韻

舊句題牆三折波  
竭來無復渭城歌  
少無根底言皆妄  
老閱艱難事轉多  
粟一花熬作醅  
詞非收秦  
乾萬淚滴成河  
近人古詩來失路萬人淚斷續滴作秦乾河  
北來風景何分別  
窮達無心較夜蘿

三疊前韻再寄仲藝徐州

賭酒曾傳卷白波伊州揭調尚能歌心輕天下英雄少恨比當年罷耗多袁甫精明猶劇縣王却感慨敘臨河回頭三十三年夢老屋城南欠補羅

四疊前韻書感

談瀛休唱定風波小雅詩人祇怨歌海靖初盟公法廢美奩載筆野言多居夷何地非紅海修道無心鍊紫河莫傍槐柯觀蟻閑卧牀密邇是檀蘿

過宜溝驛 行宮有感於庚子年事五疊前韻

行宮月色上簾波黃竹幽蘭一再歌 西幸金輿從騎少北來花樹冷螢多

沿道皆有別館扁閉甚嚴

紅旗故相生

前疊剛毅率奉匪入京大旗高有數丈

白骨春閨夢裡河驛卒早忘妖亂事晚涼花盞進松蘿

計日抵京六疊前韻寄都門親舊

待將畫舫漾清波先奏 虞廷八伯歌龍尾日躔三海近馬頭月色九霄多

茶又玉河更乞西湖作湯沐外臺居處足雲蘿

用方順橋舊韻寫磁州風景

十里荷花萬柳絲江南漫把北人欺魚陂水碓俱宜畫菱角雞頭盡入詩

彩鳳雙飛雙置酒丁酉橋內宿此玉

驄九過九填詞餘九過磁州皆有詞黃塵如霧邯鄲道好在烟波洗眼時

余少作鮮悵心者惟方順橋一聯暖簾不捲燈熏畫破壁重泥粉蓋詩以為得唐人佳境愆腹聯

以羅袖對少年則律仍未細也再疊前韻

苦吟薄髻未成絲得失心知忍自欺工部細研變府律端明淡寫惠州詩少年浮豔隋宮體老境沈深

漢獄詞比似還丹須候火幾人真到九成時

出磁州北門候車未至小憩柳陰下書見

粉牆竹柵是誰家碧玉溪光兩道斜驕馬簷時磨柳腰小鶯嬌甚廉頗花天中艾虎紗初換近兩日暑裏磁孩枕亦佳磁枕多作兩孩挑伏狀上得籃輿仍不去貪看雙鷺立煙沙

過湯陰謁岳王廟

金牌火急出臨安五國城中白日寒泥馬扇王渡江易鐵椎養子擊秦難故宮有客歌離黍樂府傷心

踏賀蘭我到西冷寧廟柏與王灑掃作祠官

再題岳王廟壁

背菟五百等颺馳姓氏中原草木知法破孫吳羞泥古功高靳魏更能詩謂韓世虜中拐子無金馬宮裏針神賜繡旗四字湮痕三字獄蒼蒼施報至今疑

西河父老望成功自壞長城怨九重南渡小朝終白雁北庭霸府自黃龍早談兵法驚留守晚雪沈冤感孝宗怪得楚人瞻拜切當年荆鄂是提封

余讀北史最喜高神武過鄴屢賦其事今再詠之

英雄投袂起鮮卑風誼機權見亦稀看斬亂絲心自許能馴惡馬衆爭歸飛龍膝下三英主落雁宮中幾玉妃欲訪香姜求片瓦屋山金字已全非

鄴中

清河如鏡鄴城東無復高樓避暑宮政爾虛名薄袁紹居然國色出曹洪錦堂未是能文手見宋景文詩銅雀終高折臂公賢令勸為河朔飲西園飛蓋燭花紅安陽令留行頗切

魏家營見馬纓花盛開

依約城南見彼姝燕支洗影映清渠門前送客疑紅拂嫁後宜男定紫鬚綠耳梯來高摘艷桃花馬汗細零珠金扉早晚隨開闔記得春鐙隱語無或出鐙謎門前一樹馬纓花打禮記二句戶開亦闔戶闔亦闔

高教曹

龍犀豹頸鐵兜鍪人物英彭第一流抵死軍前張鼓蓋快心枷上所人頭風流新婦知詩否氣力河神敵虎不鞭撻健兒終賣主始終論定是桓侯

絕句

高昂豹頸身隨盡韓軌豬腸貴有餘上士傷亡中士死朝家封拜付庸奴

河北行館夜坐遣興

明蟾入戶照行勝夜渴呼漿僕漫應暫駐顏霞女兒酒未消心火老人燈王贊咏老人燈詩猶有心頭火未消詩思灼突  
泉千眼官級靈光塔七層京洛故人今復見風期無改玉壺冰

韓魏公故里

臚雲五色宋廷占出入中樞將相兼夜寢層城懸玉帶早朝三殿撤珠簾香留晚節身堪老教下空頭  
后不嫌省識兩宮慈孝意調和椒掖甚鹽梅

人言光獻勝宣仁溫國何如魏國勲日月雙扶皇極道華夷俱仰泰山雲幸教歐富同知政其奈荆舒  
晚得君新法盛行公在告元豐官制日紛紛

不談理學是真儒汲引諸賢列玉除鬼怪深憎石居士風流不樂宋尚書聲名轉盛熙甯後位業先隆  
慶歷初功冠三朝免再相銀州貴壽豈能如

相州持節控幽燕書錦堂深列綺筵蓋世勲名輕著作小宋識還鄉富貴即神仙學如冰水開書局仁公不文  
比天平置義田刻石煌煌歐九記時文早許一燈傳余嘗謂畫錦步武是一篇散行時文

憶阿璘

隨娘別我兩依依長大傳經或庶幾看戲亦能談古事見賓常願著新衣紗籠螢火書邊照髮髻蜻蛚  
屋裡飛不識西湖在何許花前惟是盼爺歸

順德行館燈下自書日記聞鄰店琵琶聲有作

聞笛山陽境逼真驛程今日渡洛津誰家碧玉初教曲有客黃金願買鄰溫尉錄殘乾牒子江州感動濕衣人尊前一寫明妃怨更助坡詩百態新

子修典試雲南過於順德行館喜贈

使星如月出京華六月黃塵撲帽紗綠蜩暫同河朔酒碧雞遠賦日南花求仙東海謀真誤談次及東洋事踏雪西冷願豈奢君約訪余杭州此去荆門煙浪濶臨江草閣是吾家

疊韻酬子修

多收秋實屏春華不患鍾陵障眼紗世傳熊次侯典吳試夢人贈以眼鏡遂迷五色文換神龍當日夢唐神龍中尚臺閣體士如天馬滿身花要知經濟須儒者莫倚縱橫是作家卻指西湖為息壤與君畫地作交賒

子修來詩期待良厚再答

身騎驄馬入東華重對宮扉十扇紗御榻少需春後雨苑荷還發却餘花青知夷甫諸人重謂摩挲俗厭歐羅一味奢但學西人者日下學堂根本地好將忠孝答天家

模齋京兆送鐵牌如卹鄆過於順德疊前韻為贈

日出扶桑望使華姓名早記御屏紗久儲香艾三年藥飽看紅櫻百島花我親卿雲先得快人望霖雨後彌奢明朝金簡投龍罷同踏春明覓酒家

夜半登火車即寢

扶上鸞輪人語喧月中城郭過如煙亦如醉著吳船上聽水聽風自在眠

至真定換車板屋新淨喜賦

檉柏清華結構工銅樞網戶望玲瓏自忘一日行千里坐卧依然繅舫中

湖上小極呈晦若

黃塵二千里抱病入湖天煙水碧無恙露荷香勝前朝臨肚痛帖夜繹轉筋篇特許閒漚鷺來依卧榻眠

上張宮保師二首

重來金馬承明地又是青宮保相家更定日程興太學主持月旦上文華公奉勅更定學堂章程別開

光祿樽中酒閱卷時為公特設一席教賞宜春苑裡花公閱卷復賜遊顏和園天眷廷推俱第一即看居第起隄沙

昔謫蓬山特見憐噓揚令亦致貂蟬深談願假臣三日負戴誰知我二天以執金吾期仲路將長生藥

鑄顏淵公門桃李盈天下獨領春風卅五年

笏卿侍御以詩見迎次答三首

憶昨同趨行在所故人門巷柳條東君在泰慶過東柳巷寓廬愁看闕隴人相食喜見虞淵日再中皂帽牀敷聊

避世白衣帷幙敢言功中華不少宜生輩稽首蒼庭賦射熊

樸學英詞世所師即談時務亦從宜朝賢都服桓新論國故能言漢舊儀亦有佳人似佳茗未為良相

且良醫君精岐黃入閭以一妾自隨如今重見承平日說著西巡尚淚垂

感激君恩賜聖湖重來金闕叩椒圖東西離合雙驄馬先後居停一草廬君與余迭寓北半載巷朱氏宅香袖攜

煙蓬賈至梅花翹日望林通杭州自古煎茶地桂子香中得見無今年科場期君與浙試也

自和高廟第一樓題壁韻

捲幔西山翠欲流重臨潭水試綸鈞水蘭院裡尋鴻爪古柳陰中賣雁頭又名雞頭東壁至今添雅唱

前詩和者甚眾西湖依樣起高樓西湖亦有第一樓杭州此去舒雄眺不減春明陌上遊

題菊人少司成江樓送別圖

圖作於丁酉

庚戌前頭寫此圖南遊臺省賢旌都承平蓮幕千鍾酒舊物青天一顆珠鐵鎖江關飛雪練玉堂人物  
浸冰壺如今再把新亭盞江表諸賢有淚無

張少保師招同王孜父于晦若兩京卿沈子封編修周少樸侍御過慈仁寺廢址看松徵賦長句  
曲江風度天下知寢處常有山澤儀 兩宮動色待司馬朝回乃憩古松下昔居坊局清若冰步履

屢過慈仁僧三十餘年素旌鉞歸朝不見長明鐙元二災年際庚子紅巾白日行都市激怒長鯨海上  
來舍元故殿荒荆杞九門鎖鑰十國爭茲寺久駐柏靈兵和議既成收兩京島人撤廟佛淚零由來殿  
材極瑰異千歲香楠充楠楹騎梁縱斧者誰子失勢一落夷酋驚以少炸藥置佛座火發屋瓦皆飛鳴  
天傾地圻百柱倒萬牛挽致還西行從此金身等荏草百圍喬木風煙平寺門雙松青銅柯國初諸老  
繁詩歌諸佛尚有涅槃日虬龍其奈劫火何吾師遠聞心軌動重為 朝廷惜樛櫟撐拄乾坤五大夫  
朝衣西市同悲痛翰林好事沈子封走告昨見慈仁松喜於還丹起白骨頃刻青天飛蟄龍平明肩輿  
入破寺瓦礫縱橫撫寒翠清露滴身麾蓋涼朝曦射人鱗鬣異折簡招客酒再行苔地鋪席心顏清兩  
蛟俠侍瘦於鐵凌霄花發垂紅纓浪傳南海子瞻苑意外復見劉更生嗚呼雙松昨死今復生故人碧  
血徒芳聲愁聽樹頭黃鳥聲九原不作難為情謂許賦王  
袁謝賦子即今赤松朝玉京吾欲從師歸數城

翁韜甫同年屬題傳笏圖有序

韜甫為故皖撫翁文勤公長孫虞山相國從孫也文勤得魏文貞公笏作詩紀事貽之韜甫命  
工作傳笏圖相國寫文勤詩於卷中而自次其韻余亦繼和焉

看山拄笏琅玕氏門第鴻軒復鳳起於今族望冠江南常熟翁勝漂陽史相門出將中丞興秉鉞上流  
辭金帛傳家收得鄭公笏不與昭陵碑共毀狀元宰相屢安排貽厥名書 御屏紙四十年來補作圖

僂僂循牆命凡幾君家一再丁

國難欲話滄桑雜悲喜百年興國同休戚

九重未忘雲幃耻禁

中頗牧君最賢意輕陳湯傳介子玉堂金殿要論思對以十思其可矣昔也長孫美直諫今逢

慈

聖傾天耳四海飢虛塵宵旰三司制置歸條理君家此笏即甘棠父教之忠子能仕手版詎屑向人持

頭冰臨淵不我以

時君方待缺

以笏畫地即良平以笏擊奸即龍比金鼎鹽梅君故物待坐中書論國是祗

愁百雁海上來斷無一鷄懷中死直從真觀歷開成代入蓬萊照清泚

博泉前輩潤夫副都晦若京卿招同小石中丞華清司寇小集高廟觀荷即席三四疊前韻

僧房齋供聚英流茗眼舒青桃鼻鉤花港晴漪清見底玉堂春夢記從頭

座次應叙科分博翁咸豐壬子余同治丁卯諸公皆光緒

漱酒痕詩本隨雙袖竹翠荷香共一樓緩契都含巢許意幅中藝杖得同游

捉麈談深析九流更搜佳語寫銀鈎暑天松翠排前面生日荷花在後頭

明日即荷花生

散騎多閒休直閣

侍中已貴尚登樓濯纓無限滄浪意徙倚斜陽訂後游

五疊前韻索晦若潤夫和

有酒盈尊飲若流清言永日罷藏鈎金衣坐柳煩三請翠蓋擎花出一頭風過時時看到枕月來夜夜

水明樓禪房倘借閒漚住更欲從君秉燭遊

六疊前韻呈晦翁

安排漱石枕溪流琴任無絃鈎直鈎對坐荷風吹酒面閒吟水調換歌頭僧和白鹿同歸院山湧青螺

欲上樓祇合杭州尋白傅漫從槐里識朱游

七疊韻志感並懷易丘備

水合高梁日夜流漁陽秦老罷梯鉤平鋪蕉葉為歌席收拾楊花作枕頭書帖老來臨丙舍酒人散後

感辛樓可知南宋填詞手尚有亮章敢少游

八疊韻簡何副都

爛熳春華逐水流  
懶將曲直較絃鈎  
鳳凰雖老猶紅尾  
鷗鷺初生便白頭  
客有立談登兩府  
佛言彈指現層樓  
人生榮樂闕何事  
下澤終窮馬少游

九疊韻詠荷花並贈主僧

紅衣白羽劇風流  
隱映前溪月半鈎  
合與文禽爲錦被  
難陪玉燕上銀頭  
米香羅袂迴歌舫  
臨水朱欄認酒樓  
見說支公隨謝傳  
巾瓶不厭錦涇游

石甫去年九月攜妓登第一樓留詩壁間十疊前韻

清溪斜共眼波流  
軟草香泥印玉鈎  
淡淡掃蛾呈素面  
依依繫馬脫綃頭  
春醪豐溢珠龍帳  
秋思多歸白燕樓  
不分維摩方丈室  
鵲夷借作五湖游

十一疊韻嘲石甫

左攜紅粉右縑流  
笑墮蓮臺鳥一鈎  
新水拖藍學裙帶  
遠山分綠上眉頭  
美能破老還青髻  
塔不封侯戀翠樓  
借得僧廬作重九  
摩登長伴阿難游

十二疊韻寄石甫右江時興氣甚惡

灘江煙水抱城流  
戰罷傳餐解帶鈎  
檄草屢勤才子筆  
宮花休斬美人頭  
羅箋寄內還馳驛  
繡斧籌邊獨倚樓  
賈傅長沙猶恨遠  
夫君何意更南游

竹延兩和第一樓韻十三四疊韻酬之

三峽詞源水倒流  
登高解詠玉鈎鈎  
樂天酒力勝梵尾  
承吉詩心託款頭  
遠志欲尋靈鷲寺

原詩有東湖從游之

志近光長對鳳凰樓杜郎莫問空門事夢月金梁是俊游

日下論交總勝流臣冠可有玉釵鉤心如椰子書填腹舌祭蓮花石點頭把酒惟思澆趙土填詞猶愛過秦樓笑余屏跡歌姬院亦有舒郎撰杖游

寓齋聽雨十五六疊韻

玉溜垂簷不斷流鑪煙青潤繞衣鉤是誰羅帳停紅燭亦有僧廬感白頭著我江南黃篋舫還余春夜杏花樓心情白陸渾相似懶復朱門謁青游

軟簾不捲暗塵流碧玉螳螂彈漢鉤半卷我詩新脫手三杯女酒因扶頭涼聽昨入停雲館小集全收讀書樓為約西涯今舊雨湖天新霽續前游

明日復有西涯之集

石甫自譽斐姬留詩寺壁人多笑之十七疊韻解嘲

釵光扇影照清流羅幕金泥盡上鉤楚客自憐斑竹淚吳姬猶炫牡丹頭白來騎省三秋髻三秋一作多年紅刺西涯一角樓畢竟鹿樵生不俗犢車閒載玉京游

六月二十九日政務處同人公宴宮保師於第一樓是日晴雨相間即席疊前韻三首茲韻凡二

十疊矣

歲華北海嘆如流酒滿金尊魚墮鉤臺閣論文公大手廟堂諮事屬長頭英雄並入聞雷座書畫重開聽雨樓老矣秋公門下士九重天上復從游

不落人間第二流玉皆龍輔劍純鉤有人射虎北平右

鐵侍御練兵保陽

且自釣鼉東海頭

師方與外人議商約賞雨何

心憶茅屋乘風終是戀瓊樓鉤陳昨日縈沙鳥誰鹿

金輿陌上游

昨聖駕還宮輦路水深盈尺

翠盤傾側雨珠流畫要衡山網筆鉤

師擬畫費雨圖

最熟荷聲溫尉耳誰遮梅子賀郎頭

賀方回頭禿或笑依此真賀梅子也

依斜日紅沈閣黯黯西山綠到樓得似習池風景否從公重戴接羅游

同晦若登第一樓二十一疊韻奉呈

迴繞朱欄碧玉流更持酒琰作詩鉤但登臺省皆羊鼻欲畫西山欠虎頭雨裏低斜獨孤帽江南眇小十三樓元龍百尺君無讓好在時賢頂上游

少保師見示慈仁寺雙松歌敬次元韻

日烏西飛等梭織慈仁僧飯久罷食前年寺燬松尚存摩附雙龍淚沾臆有如魯獻馘虞歸重開內府見垂棘世家焉木國之棟莫與雅詩同亡熄幾經霜發益蒼翠但惜樓臺失金碧清陰曾覆元明人七百年來成古跡雖云才大得天厚栽培豈不煩人力今規廢址祠忠魂近擬就寺墓建昭忠祠庇之廣厦計良得靈光不失魯殿尊阮斷畫掩秦灰黑御密大士入柏靈寺中靈雙觀音為德人掠去蒼官夜作老蛟泣誠臣板蕩不自保惟汝不凋歲寒色詠松更挹松上露來與尚書添硯墨

少保師欲畫雙松圖而難其人詰旦市估以方望溪先生看松圖求售余題作借松圖並系以詩仍用前韻

鵝絹徒勞女手織皺染無人付囊食韋偃不作畢宏近虬龍鬱鬱蟠胸臆打門忽送雙松圖針蕊森疏細如棘畫好始稱畫望溪記桐城一鑑今未熄明窗開卷清風來六月虛堂動寒碧我生好事亦省事願借舊圖留爪跡急收蒼雪入錦囊走送師門煩一力但使虬髯真面存不著看松人亦得幸逃三月劫火紅盡掃太陰雷雨黑定知城南老樹精不與新亭共垂泣尚書餘事親風雅大為鳳城增氣色欲將筆陣鬥良常跋圖更用奚珪墨望溪序王良常書

慈仁寺雙松猶存往觀有作

張之洞

千步廊前車如織歸來中滿不能食無聊欲共草木語城南雙松上胸臆琳宮百堵無片瓦遠見精神出草棘偉哉衣冠綺與黃曾觀秦火三月熄龍鱗如掌醜愈妍返照在頂晃黝碧崇效僧圖遭掠賣長椿九蓮難踪跡此寺姿像亦俄空佛救不得憑誰力訪舊多為遊公魂求如汝壽那可足增壯帝京色雖不中用亦復佳

左傳杜注無能為役機言不中用

留與後來阮亭望溪弄筆墨

附和作

左紹佐

生不願封萬戶侯但願抽去手版從公遊公遊慈仁我不知樊山示我雙松詩感歎前年庚子時  
蒼宏碧血哀哀緣自從十國聯軍至 乘輿播越方西馳關中轉餉幸可給賴有東南半壁相堵支  
銅駝已埋荆棘中新亭客淚零秋風毗盧拔宅入雲去寺門鬼火紛青紅雙松有神能度劫應是  
黃天憐正直風前苦聽哀蟬嘶雨後常疑瘦蛟泣即天今路當清夷偃蹇曲蓋仍支離車馬不來  
獸環斷斜陽燕麥人影齊世間好事誰有此留侯苦憶赤松子青牛道士去不返虛傳海外東坡  
死嘉興翰林瀟灑人久居朝市知隱淪作書走報李元禮一朝聲價登龍門松兮閱世金元來何  
為不逢遺山與鐵崖但見漁洋一詩寄天玉騷壇韻事久不屬我公今代人中仙貞心勁節天下  
傳此來造化有深意看爾慘澹蒼穹蟠掃除苔蘚見行列藉草高歌望明月摩挲長狄十丈銅掀  
翻如意一枝鐵大厦于今要棟樑爾豈無意居明堂不然我有枯桐三尺今在慶蘭戶為爾絃風涼  
少保師遊積水潭垂示二小詩謹次韻

水田新雨綠秧齊不辨蓮東與柳西佳樹已隨僧斧盡好詩休上寺樓題  
湖上蓮娃散似烟僧貧退院復堪憐向來一頃荷花地鈎盾新聲作弄田